

太平寰宇記

第二十九册

太平軍字記

卷二十九

太平寰宇記卷之一百一十一

江南西道九

江州

南康軍

江州

江州

潯陽郡今理德化縣

禹貢荆揚二州之境書曰彭蠡既豬

又曰九江孔殷彭蠡在州東南五十三里九江在州西北二十五里是也然則彭蠡以東為揚州之域九江以西即荊州之域周景式廬山記云柴桑彭澤之郊古三苗國舊屬廬江地又按潯陽記云春秋時為吳之西境楚之東境本在大江之北今

蕲州界古蘭城是也又史記吳王壽夢十六年楚
共王伐吳至于衡山則此復爲吳之西境吳滅屬
越越衰還是楚地秦并天下以此地屬廬江郡漢
屬淮南國漢文帝十六年分廬江爲吳王溥屬縣
後漢又爲廬江豫章二郡三國之時此地雖爲督
護要津而未立郡故吳志云黃初中復分尋陽隸
武昌猶爲廬江武昌二郡地晉太康十年有司奏
荆揚二州區土曠遠統理爲難宜立新州于是割
揚州之豫章尋陽廬陵臨川南康建安晉安荊州
之武昌桂陽安成合十郡因江水之名置江州初

理豫章郡後至成帝咸和元年移江州理湓城卽
今郡是也晉初理在江北岸地名蘭城卽舊郡城
也温嶠爲守之日移于此尋又置尋陽郡晉地道
記云潯陽南開六道塗通五嶺北導長江遠行岷
漢來商納賈亦一都會歷宋齊梁陳郡與州竝理
彈壓九派襟帶上流自晉以來頗爲重鎮隋平陳
廢郡而州存大業三年廢州復爲九江郡唐武德
四年平林士弘置江州領湓城潯陽彭澤三縣五
年置總管管江鄂智浩四州并管昌洪四總管府
又分湓城置楚城縣分彭澤置都昌縣八年廢浩

大正續字記 卷之一百十一 二
州及樂城縣入彭澤縣又廢湓城入潯陽貞觀元
年罷都督府八年廢楚城縣入潯陽天寶元年改
爲潯陽郡乾元元年復爲江州

元領縣七

今五

德化 彭澤 德安 瑞昌 湖口

二縣割出

東流 入池州 都昌 入南康軍

州境

東西五百九十里 南北一百七十七里

四至八到

西北至東京陸路一千八百里水路三千一百五十里

西北至西京三千二十里水路三千七百里
西北至長安二千七百六十里

東至宣州一千八百里

南至洪州三百二十五里

西至鄂州七百里

北至蘄州五百九十三里

東南至饒州三百七十四里

西南至鄂州二百五十里

大平寰宇記 卷之一百一十一
三
東北至舒州水路五百七十里

東北至池州五百八十里

戶

唐開元戶一萬九千八百

皇朝戶主一萬二千三百一十九客一萬二千四

十五

風俗 同洪州

人物

陶侃 字士行尋陽人也漁于雷澤夢生八翅飛至天門不得入博識過人為侍中太尉人竊官

柳植 于己門 周訪 字士達尋陽人少有明畧為
侃見識之 縣功曹薦拔陶侃為主簿知

有公輔之器相與結友有一牛妹夫弟殺食之訪
不形于色為中興名將口未嘗言功王敦終訪之
時不敢
作難
翟湯字道深尋陽人篤行純
人少有高趣少言不慕榮利讀書不求甚解性嗜
酒或買酒招之期于必醉環堵蕭然不蔽風日執
事者以爲彭澤令
解印賦歸去來辭

姓氏

潯陽郡三姓 陶 翟 騫

土產

雲母 葛布 布水紙 石耳 鱖魚 葛 栗

茶

德化縣二十本漢尋陽縣屬廬江郡吳錄云屬武昌

宋書州郡志曰尋水注江因水以名縣隋開皇十
八年改爲彭蠡縣大業二年改爲湓城縣唐武德
五年改爲潯陽自州東移于今所僞唐改爲德化
縣 廬山在州南高二千三百六十丈周迴二百
五十里其山九疊川亦九派郡國志云廬山疊障
九層崇巖萬仞山海經所謂三天子障亦曰天子
都也周武王時匡俗字子孝兄弟七人皆有道術
結廬于此仙去空廬尙在故曰廬山漢武帝時乃
封俗爲大明公稱爲廬君焉山有三宮上宮居巖
表人不能及有三石梁長十丈闊止盈尺其下虛

懸晉術士吳猛嘗于此樹下見一老翁以玉盃盛
甘露漿與猛次宮隔一谷有界城悉是平石兩邊
有小圓峯呼爲左右帳峯羣石如馳馬之形下宮
在彭蠡湖際其山又有紫芝田四十畝嘗有二仙
童採芝人若逐之但聞呼曰猖客若尋芝草寂無
見石門澗在山西懸崖對聳形如闕當雙石之
間懸流數丈有一石可坐二十許人香爐峯在
山西北其峯尖圓烟雲聚散如博山香爐之狀孟
浩然詩云挂席數千里名山都未逢泊舟潯陽郡
始見香爐峯蓮花峯在山北州南直望如芙蓉

今州城有蓮花門 五老峯在山東懸崖突出如
五人相逐羅列之狀 錦繡谷在山疊四季芳妍
百花如錦繡 栗里原在山南當澗有陶公醉石
石鏡山在山東懸崖之上其狀團圞近之則照
見形影 瀑布在山東亦名白水源出高峯挂流
三百丈許遠望如匹布故名瀑布嘗有徐凝題詩
云瀑泉瀑泉千丈直雷奔入江無暫息今古長如
白練飛一條界破青山色 溫泉在山南闊三步
深三尺今有黃龍湯院僧居之 落星山在山東
周迴一百五十步高丈許圖經云昔有星墜水化

爲石當彭蠡灣中俗呼爲落星灣 五松橋在山

之澗北昔惠遠法師與殷仲堪席澗談易於此而

樹下泉湧號曰聰明泉又有虎溪橋遠大師送客

不過此橋東林寺西有遠大師塔前進士相里宗

題詩云古墓石稜稜寒雲晚景凝空悲虎溪月不

見鴈門僧 匡先生廟在州南臨驛道卽匡俗也

柴桑山近栗里原陶潛此中人 黃金山潯陽

記云黃金山上有楠樹一年東邊榮西邊枯一年

西邊榮東邊枯年年常如是張華所謂交讓樹也

天花井山去吳章山五里居廬山之末其支散

爲諸岡阜所行甚遠如烏稍嶺丫髻山皆其支也
螺子山在州南十五里由雙劍峯發脈蟠結宛
轉如螺子形 龍門山在州西南五十里與落柁
山相去百餘步峙對如門 雙劍峯在州南龍門
西下有池名小天池峯勢插天宛如雙劍 鐵船
峯峯頂有石船色黑故曰鐵船 擲筆峯在大林
寺北相傳晉慧遠製涅槃經成擲筆于此 蓮花
洞在州南二十五里蓮花峯之北舊門高丈餘藤
蘿交蔭晝日常黯水源不竭 迴風磯在州東北
四十里凡舟至此必轉蓬避風 白蓮池在東林

寺晉慧遠鑿因結白蓮社 虎跑泉在東林寺後
慧遠患水遠有虎跑石出泉 康王城述異記廬

山上北嶺有城號康王城天雨聞鼓角之聲 歇

馬臺圖經云始皇至廬山歇馬于此 稽亭潯陽

志云稽亭北瞰大江南望高嶽淹留遠客因以爲

名 飛魚逕在州西二里潯陽志云晉義熙中吳

隸爲魚塞于雲湖中有人語之曰晚有大魚攻塞

切勿殺隸許之須臾有大魚至羣魚從之同侶誤

殺其魚是夕風雨暝晦羣魚悉飛上木間因名爲

飛魚逕 陶公舊宅在州西南五十里柴桑山晉

史陶潛家于柴桑唐白居易有訪陶公舊宅詩

九疊樓在治後一百二十餘步唐長慶間李渤爲

刺史時建以對廬山九疊爲名 蕭郎中舊堂在

西林寺側韓愈遊西林寺題蕭二兄郎中舊堂詩

云中郎有女能傳業伯道無兒可保家偶到匡山

曾住處幾行衰淚落烟霞按蕭郎中名存蕭穎士

之子也仕爲金部員外郎以惡裴延齡棄官歸廬

山 白樂天草堂貶江州司馬時築以得青山綠

水爲風月主人自喜 琵琶亭在州西江邊白司

馬送客湓浦口夜聞隣舟琵琶聲問之是長安娼

女嫁于商人乃爲作琵琶行因名亭 龍泉寺晉

慧遠建 佛母寺去州三十里唐貞觀間創 九

江尙書注云江于此分爲九道潯陽記云九江在
潯陽去州五里名白馬江是大禹所疏治于桑落
洲上二三百餘里合流昔秦皇漢武竝登廬山以
望九江也 盆浦水按郡國志云有人于此處洗
銅盆忽水暴漲乃失盆遂投水取之卽見一龍銜
盆奪之而出故曰盆水又云源出青盆山因以爲
名蕭子顯齊書曰世祖于盆城得五尺刀十一口
永明享祿之數也 甘泉水在縣南其水甘味飲